



2deo Prototipoak 2021

1. AURKEZPENA

2deo Prototipoak Tabakalerako 2deo ikus-entzunezko laborategiak sustatutako programa bat da, gazteei zuzendutako eduki berritzaileen sortzaileen proiektuak tutoretzan hartzeko eta babesteko. Mentoretzak, aholkularitza indibiduala eta 2deo laborategiaren tresnak eta instalazioak eskaintzen ditu, eta EiTBrekin lankidetzan garatzen da.

Prozesu osoan zehar HIRU mentore egongo dira, eta programan aukeratutako BOST proiektuen jarraipena egiteaz arduratuko dira.

Helburua da euskaraz, gazteek sortutako eta gazteei zuzendutako formatu eta produktu berritzaileak sustatzea eta eremu honetan bai talentua bai kontsumoa garatzea.

2deo Prototipoak mentoretza-programak talentu gazteak inplikatu nahi ditu, ekoizpen eta zabalkunde tresna berriek eskaintzen dituzten aukerez baliatuz eduki proposamen berritzaile baten aldeko apostua egin dezaten.

Aukeratutako bost proiektu horiek izango dira mentoretzaren xedea. Irailetik azarora, aukeratutako pertsonak dossier bat prestatuko dute mentoreen laguntzarekin, eta abenduan aurkeztuko diete pitching saioetan EiTBrri, ekoizleei, eta ikus-entzunezkoen sektorearekin lotutako beste eragile batzuei, hala nola publizitate- edo komunikazio-agentziei



2. AURKEZTEKO PROIEKTUAK

Gazteei zuzendutako euskarazko ikusentzunezko edukiak bai telebista bai plataforma desberdinetan zabalduko direnak: sare sozialak, web, youtube, edo nahieran plataformak.

Eduki bakarra edo serializatua izan daiteke, edozein iraupenekoa, beti ere aipatutako publiko eta zabalkundeari zuzenduta: musikarekin lotutako ikusentzunezko pilulak, realityak, podcastak, mahai inguruak, streamerrak edo ohiko programa baten narratiba transmediak.

Edozein gaia lantzeko aukera ematen da: musika, gai sozialak, abentura eta bidaiak, kultura, umorea, aktualitatea, kirola.

3. PROGRAMA

Talentu berriei praktikatik prestakuntza emateko eta proiektu bakoitza azpimarratzeko xedearekin, abenduko pitching saioetan ahalik eta kalitate eta heldutasun handiena lor dezaten, programak honako hau eskaintzen du:

1. Formakuntza saioak.

2. Mentoretza espezifikoa; proiektu bakoitzarekin lotutako aholkularitza emateaz gain, haren garapena orientatu eta ikuskatuko dute. Mentoretza irailetik aurrera hiru hilabeteetan zehar luzatuko da.

2. 2deo Laborategiaren erabilpena, proiektua bertan garatzeko eta bertako tresnak erabiltzeko

3. Amaierako pitching saioa, EiT Bren lankidetzan

Nahitaezkoa izango da saio eta egonaldi guztietan parte hartzea, baita abenduko pitching saioan ere.

4. PARTE-HARTZAILEAK



Publiko gazteentzako euskarazko ikusentzunezko edo audio ekoizpen baten sortzaileei dago zuzenduta. Talentu berrien garapena helburu nagusi bat denez, parte-hartzaile gazteei zuzenduta dago programa, 18 eta 35 urtetako adin tartean eta ikus-entzunezko sektorean aldeztu aurretik izandako esperientzia baloratuko da.

Deialdian pertsona fisikoek hartu ahal dute parte modu indibidualean, deialdi honetan jasotako baldintzekin bat datozenak.

Eskatzaile bakoitzak proiektu bakar bat aurkeztu ahalko du.

5. BATZORDEA ETA BALORAZIO-IRIZPIDEAK

Balorazio-batzorde bat eratuko da proiektuak aukeratzeko, EITBko ordezkari bat, ikus-entzunezko sektoreko profesional bat eta KGNZko ordezkari batek osatuko dute.

Batzordeak aurkeztutako proiektuak baloratuko ditu jarraian adierazten diren irizpideekin bat:

- Proiektuaren kalitatei eta sormena.
- Proiektuaren egingarritasuna.
- Gaur egungo gazteriarekin konektatzeko gaitasuna.
- Formatuetan etai edukietan berritzailea izatea.

Hautaketa-prozesuan zehar, batzordeak hautagaietako batzuk elkarrizketatu ahalko ditu.

Ezinbestekoa da parte-hartzaileak deialdian eskatutako dokumentazio guztia aurkeztea hautaketa-prozesuan jarraitzeko.

6. ESKAEREN EPEAK ETA HAUTAKETA

Proiektuak jasotzeko deialdia irekita egongo da 2021eko maiatzaren 17etik ekainaren 15era arte (13:00 UTC+2).

Uztailean programa osatzeko aukeratutako bost proiektuak jakinaraziko dira.



7. PARTE HARTZEKO BALDINTZAK

Proiektuekin lotutako baldintzak:

Deialdira aurkeztuko diren parte-hartzaile edo ordezkariak honako baldintza eta konpromiso hauek bete beharko dituzte:

- 18-35 tarteko adina izatea.
- Parte-hartzaileak edo ordezkariak ez izatea laguntzak edo dirulaguntzak lortzeko aukera galtzea dakarren administrazio- edo zigor-zehapenik, eta ez izatea horretarako desgaitzen duen lege-debeku.
- KGNZ/Tabakalerak laborategian egindako lana erabili ahalko du deialdiaren xede den programa, haren edukia eta haren emaitzak ezagutarazteko eta herritarren esku jartzeko.
- Deialdiaren xede den programan parte hartzeko aukeratutako proiektuetatik ateratako ikus-entzunezko obren banaketan eta aurkezpen publikoan aipatu egin beharko da deialdi honetan parte hartu dela, eta Tabakaleraren eta 2DEOren markak, logotipoak eta izen komertzialak ere agertu beharko dira (adibidez, kredituetan).
- 2DEO eta Tabakaleraren espazioen erabilera-arauak errespetatu beharko dira.

Parte-hartzearen berrikuspena eta amaiera:

Tabakalerak proiektu bakoitzaren ordezkarien parte-hartzea berrikusteko eskubidea izango du, eta, hala badagokio, hura edozein unetan amaitzeko eskubidea.

8. IZEN-EMATEA ETA AURKEZTU BEHARREKO AGIRIAK



Deialdiaren oinarriak KGNZ/Tabakaleraren webgunean kontsulta daitezke. Izena emateko, sareko inprimakia bete eta PDF txosten bat erantsi behar da, honako agiri hauekin:

- Bideo-aurrezpen baten linka.
- Sinopsi laburra: 100 hitz.
- Proiektuaren aurrezpena: 3 orri gehienez ere.
- Proiektua zein plataformetan aurreikusten den adierazi
- Asmo-gutuna.
- Taldeko kideen proposamena eta horien biografia.
- Proiektua hobeto ulertarazte aldera hautaketa-batzordearekin partekatu nahi diren beste material batzuk: estekak, argazkiak, audioa, Vimeorako estekak, etab.
- NANaren edo identifikazio-dokumentu ofizialaren kopia.
- Agiriak euskaraz aurreztu beharko dira.

9. JABETZA INTELEKTUALA

Parte-hartzaile edo ordezkari guztiek bermatuko dute deialdi honen harira aurrezten diren proiektu, dokumentu eta ikus-entzunezko material guztiak, baita, hautatuak izanez gero, deialdi honetan parte hartu bitartean sortzen diren elementu guztiak ere, originalak direla eta ez dituztela urratzen hirugarrenen jabetza intelektualeko eskubideak.

Oinarri hauek onartuz gero, hautatutako parte-hartzaileek edo ordezkariak baimena ematen diote Tabakalerari jaso dituen edo laborategiko proiektuak gauzatzeko prozesuan sortutako dokumentuak eta testuzko, irudizko edo ikus-entzunezko material guztiak egun ezagutzen ditugun euskarri mota guztietan erabiltzeko, betiere xede bakarra izanik deialdia, haren edukia eta haren emaitzak herritarrei jakinaraztea eta haien esku jartzea, edozein kanalen bidez eta doan. Ondorioz, Tabakalerak eskubidea izango du eduki hori ikusgai jarri eta publikoki komunikatzeko, edozein kanalen bidez, izan proiektua gauzatu bitartean, izan hura bukatu ondoren, epemugarik gabe.

Esandako guztiak ez du eraginik izango autorearen eskubide moraletan, ezta gorago aipatutako dokumentuei eta testuzko, irudizko edo



ikus-entzunezko materialei dagokien jabetza intelektualaren ondare-edukiaren eskubide guztien titulartasunean ere; horiek materiala sortu duten parte-hartzaileen edo ordezkarien esku egoten jarraituko dute.

Edonola ere, parte-hartzaile edo ordezkari bakoitzak Tabakaleraren aurrean erantzun beharko die hirugarrenek jabetza intelektualari buruz jar ditzaketen erreklamazio guztiei, honako hauei dagokienez: (i) deialdi honen harira aurkeztutako proiektuak, dokumentuak eta testuzko, irudizko edo ikus entzunezko materialak eta (ii) hautatuak izatekotan deialdian parte hartu bitartean sortutako dokumentuak eta testuzko, irudizko edo ikus-entzunezko materialak; hala, Tabakalerari kale-ordainak ordaindu beharko dizkio kontzeptu horiei dagokienez egon litezkeen erreklamazioen harira sortutako kalte eta galera guztiengatik.

Horrez gain, eta Tabakaleraren markak, logotipoak eta izena erabili ahal izateko, 6. oinarrian ezarritakoarekin bat, erakunde honek elementu horiek ustiatzeko lizentzia emango die hautatutako parte-hartzaile edo ordezkariari. Lizentzia hori ez-esklusiboa, doakoa eta besterenezina izango da, eta mugatuta egongo da proiektuen harira sortzen diren ikus-entzunezko lanak banatu eta publikoki komunikatzeko egindako aurkezpenetara.

10. DATUEN BABESA

Parte-hartzaileei edo ordezkariari jakinarazten zaie oinarri hauek onartuz gero Tabakalerari baimena ematen diotela eskaera aurkezteko unean eta, hautatuak izanez gero, deialdian parte hartu bitartean hari jakinarazitako datu pertsonalak tratatzeko, eskaera hori izapidetu eta kudeatzeko eta deialdian parte hartu ondoren ezagutarazte-lanak egiteko.

Datu pertsonal horiek erakunde eta organismo publikoei jakinaraziko zaizkie, legeak jakinarazteko betebeharrak ezartzen duenean. Halaber, 10. oinarrian ezarritakoarekin bat, deialdian parte hartzeko hautatutako parte-hartzaileen edo ordezkarien irudia eta izena ere hirugarrenei komunikatu ahalko zaizkie, Tabakaleraren webgunean argitaratuta edo



Tabakalerak bere jarduerak ezagutarazteko erabiltzen dituen beste euskarri ukigarri eta ukiezin batzuen bitartez.

Testuinguru honetan, jakinarazten da datu pertsonal horiek ematea beharrezkoa dela; ondorioz, datu horiek ematen ez badira, laguntza publikoa jasotzeko eskaera ez da aintzat hartuko, eta eskatzaileak ezingo du proiektuan parte hartu.

Tabakalerak soilik hautagaitza baloratzeko eta, hala badagokio, deialdi honetako parte-hartzea kudeatzeko ezinbestekoa den epean gordeko ditu parte-hartzaileen edo ordezkarien datu pertsonalak, baita lege-betebeharrak betetzeko nahitaez gorde beharreko kontserbazio-epean ere.

Edonola ere, parte-hartzaileei jakinarazten zaie eskubidea dutela (i) Tabakalerari eskatzeko euren datu pertsonalak atzitzeko, zuzentzeko, ezabatzeko, tratamendua mugatzeko, beste norabait eramateko edo datuen tratamenduari uko egiteko; horretarako, idatzizko eskaera bat bidali beharko diote Tabakalerari, pribatasuna@tabakalera.eus helbide elektronikora, gaia "2DEO deialdia prototipoak 2021" delarik eta datuen titularrak sinatutako gutun bat erantsita (jakinarazpenetarako helbidea adierazi beharko da) eta NANaren kopia batekin. Horrez gain, eskubidea dute (ii) Datuen Babeserako Espainiako Agentzian edo eskumeneko beste edozein kontrol-agintaritzan erreklamazio bat aurkezteko, bereziki euren eskubideak errespetatu ez direnean.

11. PARTE-HARTZAILEEN IRUDI-ESKUBIDEAK

Oinarri hauek onartuz gero, deialdi honetan parte hartzeko hautatuak diren parte-hartzaileek edo ordezkariak berariaz baimena ematen diote Tabakalerari (i) beharrezko bitarteko tekniko bidez (argazkiak, bideoak, etab.) proiektuan izan duten parte-hartzea erregistratzeko, parte-hartze hori Tabakaleraren espazioetan egiten denean, eta (ii) irudi horiek eta parte-hartzaileen/ordezkarien izena Tabakaleraren webgunean edo beste edozein euskarri ukigarri edo ukiezinetan erabili eta erreproduzitzeko, herritarrei deialdi honen xedea, edukia eta emaitzak ezagutarazi eta horiek gizartearen esku jartzeko.

TABAKALERA



Edonola ere, parte-hartzaile edo ordezkarietara jakinarazten zaie edozein unetan dutela baimen hori kentzeko aukera.

12. OINARRIAK ONARTZEA

Deialdi honetan parte hartzen dutenek, aurkezteagatik bakarrik, onartu egingo dituzte oinarri hauek. Eskarera informazioaren bat falta bada, parte-hartzaileak deialditik kanpo geldituko dira.

Informazio gehiago: 2deo@tabakalera.eus